



# Službeni glasnik OPĆINE OLOVO

Godina XVII

Broj: 3

Olovo, 11.03.2013.g.

Na osnovu člana 19. i 27. Zakona o prometu nepokretnosti („Službeni list Socijalističke Republike Bosne i Hercegovine“ broj 38/70, 4/80, 29/90, 22/91 i 18/94), člana 4. Pravilnika o postupku javnog nadmetanja za prodaju nepokretnosti u društvenoj svojini ( „Službeni list SRBiH“, broj: 28/79 ), na osnovu Mišljenja Zajedničkog općinskog pravobranilaštva općina Vareš i Olovo ( broj; M-1/13 od 13.02.2013. godine ), u skladu sa članom 18. stav 1. alineja 18. Statuta općine Olovo ( „Službeni glasnik općine Olovo“, broj: 2/07 i 4/08 ) Općinsko vijeće Općine Olovo na sjednici održanoj dana 28.02.2013.godine, **d o n o s i**

## **O D L U K U** **o načinu i uslovima prodaje nepokretnosti**

### **Član 1.**

Dozvoljava se prodaja poslovnog prostora koji se nalazi u ulici H.k. Gradaševića bb, u Olovu, u prizemlju Lamele IV, na zemljištu označenom kao k.č. 568/1, upisana u K.K. uložak broj: 322 K.O. Olovo, sa pravom raspolaganja na Općinu Olovo sa dijelom 1/1, u površini od 66,44 m<sup>2</sup>.

### **Član 2.**

Prodaja nepokretnosti iz člana 1. ove Odluke može se izvršiti neposrednom prodajom jer su ispunjeni svi zakonski uslovi za primjenu ovog načina prodaje.

### **Član 3.**

Cijena prodaje poslovnog prostora, utvrđena na osnovu prosječne tržišne cijene već prodatih poslovnih prostora u Olovu i procijenjene vrijednosti prostora iz člana 1., u postupku neposredne prodaje iznositi će 33.600, 00 KM.

### **Član 4.**

Postupak prodaje nepokretnosti iz člana 1. Sprovodi komisija za javnu prodaju nepokretnosti.

### **Član 5.**

Daje se ovlaštenje Općinskom načelniku da, nakon provedenih zakonom predviđenih postupaka, sklopi ugovor sa kupcem nepokretnosti iz člana 1. ove Odluke, uz prethodno pribavljeno mišljenje općinskog pravobranioca.

### **Član 6.**

Kupoprodajnu cijenu kupac je dužan platiti u roku od 60 dana od dana potpisivanja ugovora o kupoprodaji. Predaja nepokretnosti kupcu u posjed izvršit će se u roku od 30 dana nakon plaćanja cijene iz prethodnog stava.

### **Član 7.**

Ova Odluka stupa na snagu danom objavljivanja u “Službenom glasniku općine Olovo”.

Broj: 01-01-3- 464/13  
Datum, 28.02.2013. godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

Na osnovu člana 66., 67. i 68. Zakona o vodama ("Službene novine Federacije Bosne i Hercegovine", broj 70/06) i člana 40. Zakona o vodama (Službene novine ZE-DO kantona, broj 17/2007) a u skladu sa članom 43. stav 1. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje stanovništva ("Službene novine Federacije Bosne i Hercegovine", broj 88/12), Općinsko vijeće na sjednici, održanoj 28.02.2013.godine, donosi

## **ODLUKU O ZAŠTITI IZVORA VODE ZA PIĆE PODSOKOLINA OPĆINA OLOVO**

### **I OPĆE ODREDBE**

#### Član 1.

Ovom odlukom utvrđuju se zone sanitarne zaštite izvorišta vode za piće Podsokolina (u daljem tekstu: izvor), sa kojeg se vrši snabdijevanje vodom potrošača na području MZ-e Kamensko Magulica općine Olovo, veličina i granice zona sanitarne zaštite, mjere i režimi zaštite, nadzor nad sprovođenjem ove odluke, kaznene odredbe i druga pitanja od interesa za sprovođenje sanitarne zaštite izvorišta.

#### Član 2.

Izvor i kaptaža Podsokolinalocirano je južno od naselja Podsokolina sa koordinatama vodozahvata X=6 539 297 i Y=4 899 322.

#### Član 3.

Zaštita izvora vrši se uspostavljanjem i održavanjem zona sanitarne zaštite i zaštitnih mjera, koji su utvrđeni u skladu sa lokalnim uslovima, na osnovu provedenih istražnih radova i stručnog elaborata.

#### Član 4.

Utvrđivanje zona sanitarne zaštite i zaštitnih mjera vrši se u cilju zaštite voda izvora Podsokolina od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće ili na izdašnost izvora.

#### Član 5.

Urbanističko uređenje prostora, građenje, privredne, poljoprivredne i druge djelatnosti mogu se vršiti samo na način i u mjeri koji su utvrđeni ovom odlukom.

Privredna društva, federalni, kantonalni i opštinski organi uprave, druga pravna lica i građani dužni su pridržavati se odredbi ove odluke i primjenjivati propisane mjere zaštite.

## II ZONE SANITARNE ZAŠTITE I ZAŠTITNE MJERE

### Član 6.

U skladu sa Pravilnikom o uslovima za određivanje zona sanitarne zaštite i zaštitnih mjera za izvorišta voda koje se koriste ili planiraju da koriste za piće ("Službene novine Federacije Bosne i Hercegovine", br. 88/12), izvor Podsokolina predstavlja izvor podzemnih voda u kraškim izdanima.

Za izvor Podsokolina utvrđuju se dvije zone sanitarne zaštite, i to:

1. I zaštitna zona – zona najstrožijeg režima zaštite, koja je podijeljena na:
  - a) Ia zaštitnu zonu (zonu najstrožijeg režima zaštite – zonu izvora);
  - b) Ib zaštitnu zonu (zonu strogog režima zaštite);
2. II zaštitna zona – zona ograničenog režima zaštite;

Za izvor Podsokolina, granice zaštitnih zona utvrđene su u skladu sa članom 39. Pravilnika o zaštitnim zonama.

### **Ia zaštitna zona (zona najstrožijeg režima zaštite – zona izvora)**

### Član 7.

Područje Ia zaštitne zone izvorišta obuhvata prostor oko vodozahvatnog objekta i njegovog zaleđa, kojim se vodozahvatni objekat štiti od slučajnog ili namjernog zagađenja ili oštećenja.

Granica Ia zaštitne zone proteže se oko vodozahvatnog objekta na izvoru Podsokolina. Površina Ia zaštitne zone oko vodozahvatnog objekta na izvoru Podsokolina je 225 m<sup>2</sup>.

### Član 8.

Područje Ia zaštitne zone oko vodozahvatnog objekta izvora Podsokolina, nalazi se na Općini Olovo. (Društvena svojina)

Predstavnici nadležnih organa će u skladu sa važećim propisima o eksproprijaciji regulisati pitanje imovinsko-pravnih odnosa sa vlasnicima zemljišta na području Ia zaštitne zone.

### Član 9.

Na području Ia zaštitne zone nalaze se slijedeći objekti:

1. Kaptažni objekat izvora Podsokolina iz koga se voda gravitaciono transportuje do glavnog rezervoara vodovoda Kamensko.

Na objektima iz tačkaka 1. prethodnog stava ovoga člana nalaze se pripadajuće armature, i druga pripadajuća oprema.

Pored objekata iz stava 1. ovoga člana, na području Ia zaštitne zone mogu se, uz primjenu propisanih mjera zaštite, graditi ili nalaziti i drugi vodoprivredni objekti, kao što su vodozahvatni objekti, rezervoari, pumpne stanice, trafo-stanice, administrativni objekti, prilazni i unutrašnji putevi i drugi objekti koji su neophodni za rad sistema za vodosnabdijevanje.

### Član 10.

Vodoprivredni i drugi objekti iz člana 9. ove odluke i njima propadajuća oprema u vlasništvu su MZ-e Kamensko Magulica.

MZ-a Kamensko Magulica upravlja vodoprivrednim i drugim objektima i pripadajućom opremom iz prethodnog stava ovog člana.

MZ-a Kamensko Magulica nadležna je za sprovođenje svih zaštitnih mjera propisanih ovom odlukom na području Ia zaštitne zone oko vodozahvatnog objekta izvora Podsokolina.

Nadležna općina, općina Olovo, na čijoj se teritoriji nalaze zaštitne zone odgovorna je za sprovođenje svih zaštitnih mjera propisanih ovom odlukom.

#### Član 11.

Područje Ia zaštitne zone mora biti zaštićeno od neovlaštenog pristupa ogradom, kao i drugim potrebnim mjerama fizičke zaštite i osiguranja.

Ograda iz prethodnog stava ovog člana mora biti izvedena na način da spriječi neovlašteni ili nasilni ulazak na područje Ia zaštitne zone.

#### Član 12.

MZ-a Kamensko Magulica dužna je na odgovarajući način obilježiti Ia zaštitnu zonu, što naročito uključuje naziv izvorišta i zaštitne zone, naziv vlasnika i korisnika, broj dežurnog telefona za hitne slučajeve i upozorenje o zabrani neovlaštenog pristupa.

#### Član 13.

Pristup na područje Ia zaštitne zone dozvoljen je samo ovlaštenim osobama, što uključuje zaposlenike MZ-a Kamensko Magulica koji stalno ili povremeno rade na objektima unutar ove zone i nadležnim inspeksijskim organima u toku vršenja redovnih ili vanrednih kontrola ove zone, kao i drugim licima uz posebno odobrenje MZ-a Kamensko Magulica.

Sva lica iz prethodnog stava ovog člana moraju posjedovati odgovarajuće propusnice kako bi mogla pristupiti prostoru Ia zaštitne zone. Vrste propusnica i uslovi njihovog izdavanja utvrđeni su opštim aktima MZ-a Kamensko Magulica.

#### Član 14.

Lica koja stalno ili povremeno rade na objektima unutar Ia zaštitne zone moraju biti podvrgnuta periodičnim liječničkim pregledima, u skladu sa odgovarajućim propisima o sanitarnoj zaštiti.

#### Član 15.

Na području Ia zaštitne zone izvorišta, zabranjuju se sve aktivnosti koje nisu u direktnoj vezi sa normalnim radom i održavanjem vodozahvatnih objekata. Aktivnosti koje se provode u cilju normalnog rada i održavanja vodozahvatnih objekata ne smiju štetno djelovati na izvor.

Izuzetno od odredaba iz stava 1. ovog člana, MZ-a Kamensko Magulica dužna je da zemljište u Ia zaštitnoj zoni zasije travom i rastinjem plitkog i vezanog korijenja, pri čemu je najstrožije zabranjena upotreba prirodnog ili vještačkog đubriva, hemijskih sredstava za zaštitu bilja, kao i drugih agrotehničkih sredstava.

Izuzetno od odredaba iz stava 1. ovog člana, dozvoljeno je provođenje kanalizacije i drugih instalacija, koje služe za normalan rad objekata za vodosnabdijevanje, u kom slučaju je odgovarajućim projektnim i izvođačkim rješenjima potrebno osigurati da te instalacije ne mogu direktno ugroziti izvor.

## 1. IB ZAŠTITNA ZONA (ZONA STROGOG REŽIMA ZAŠTITE)

### Član 16.

Područje Ib zaštitne zone obuhvata prostor od granice Ia zaštitne zone iz člana 7. ove odluke do vanjske granice Ib zaštitne zone.

Vanjska granica Ib zaštitne zone počinje južno od izvora i kaptažnog objekta tačkom A (X=6 539 370, Y=4 898 950) i ide sjeveroistočno preko potoka Kragujevac do tačke B čije su koordinate(X=6 540 050, Y=4 899 520), te dalje blago povija do tačke C(X=6 540 210, Y=4 899 940). Vanjska granica Ib zaštitne zone nastavlja se dalje sjeverozapadno preko Sokolinskog platoa do tačke D (X=6 539 630, Y=4 900 450) i E (X=6 539 250, Y=4 900 690), zatim skreće zapadno do tačke F (X=6 538 380, Y=4 900 690), odakle povija blago jug-jugoistok preko Jarčišta do tačke G (X=6 538 500, Y=4 900 240). Od ove tačke granica nastavlja sjeveristočno do tačke H (X=6 538 750, Y=4 900 050), gdje povija jug-jugozapad i ide na vrh Sokol, a odatle sjeveristočno preko tačke J (X=6 538 880, Y=4 899 460 ) koja predstavlja zajedničku tačku za Ib i II zaštitnu zonu i završava u početnoj tački A(X=6 539 370, Y=4 898 950).

Ukupna površina Ib zaštitne zone iznosi **1.86 km<sup>2</sup>**, dok je obim ovoga područja **5,71 km**.

### Član 17.

Na području Ib zaštitne zone izvora, zabranjuju se sve aktivnosti koje nisu u direktnoj vezi sa normalnim radom i održavanjem vodozahvatnih objekata. Aktivnosti koje se provode u cilju normalnog rada i održavanja vodozahvatnih objekata ne smiju štetno djelovati na izvor.

Izuzetno od odredaba stava 1. ovog člana, dopuštaju se slijedeće aktivnosti u obimu koji ne utiče na kvalitet podzemne vode na izvoru:

1. nekomercijalni uzgoj trave, pri čemu se dozvoljava upotreba prirodnog i vještačkog đubriva u obimu koji ne ugrožava kvalitet vode na izvoru;
2. provođenje kanalizacije i drugih instalacija, koje služe za normalan rad objekata za vodosnabdijevanje, u kom slučaju je odgovarajućim projektnim i izvođačkim rješenjima potrebno osigurati da te instalacije ne mogu ugroziti izvor;
3. dozvoljava se sanitarna sječa šume u cilju uklanjanja oboljelih stabala uz najstrožiji nadzor i bez korištenja mehanizacije za sječenje i izvlačenje posječene drvene mase
4. kretanje stanovništva bez ograničenja i kontrolisane rekreativne aktivnosti, što može uključiti staze za šetnju, džoging i vožnju bicikala, parkove za šetnju i sjedenje i sl., pri čemu nije dozvoljena izgradnja sportskih i rekreacionih objekata;
5. održavanje postojećih objekata, usmjereno na obezbjeđenje pravilnog funkcionisanja postojećih objekata, prvenstveno sa aspekta prihvata i odvođenja otpadnih voda, te uklanjanja čvrstog otpada, pri čemu nije dozvoljena promjena namjene objekata.

## 2. II ZAŠTITNA ZONA – ZONA OGRANIČENOG REŽIMA ZAŠTITE

### Član 18.

II zaštitna zona povezana je u jedinstvenu i kontinualnu teritoriju unutar slivnog područja izvora Podsokolina.

Područje II zaštitne zone (zona ograničenog režima zaštite) izvora Podsokolina obuhvata prostor od vanjske granice Ib zaštitne zone do granice slivnog područja, odnosno područja prihranjivanja izvora. Granica ove zone data je u prilogu br 6.1. i 6.2.

Područje II zaštitne zone izvora Podsokolina obuhvata prostor, čija vanjska granica počinje od tačke C (X=6 540 210, Y=4 899 940) koja ujedno predstavlja i tačku vanjske granice Ib zaštitne zone. Od ove zajedničke tačke vanjska granica II zaštitne zone ide sjeverozapadno preko Sokolinskog platoa to tačke V (X=6 539 250, Y=4 901 070), skreće zapadno obuhvata izvor Podkamen, koji je izvan slivnog područja i dolazi do tačke T (X=6 538 200, Y=4 901 340). Od ove tačke nastavlja dalje zapadno ispo Vrh do tačke Š (X=6 537 440, Y=4 901 310), a zatim jugozapadno granicu šume i livade do tačke S (X=6 536 930, Y=4 900 850). Od tačke S prolazi iznad Vrela do tačke R (X=6 536 330, Y=4 900 690), zatim skreće jug-jugoistok do tačke P (X=6 536 240, Y=4 900 450), a od nje jugozapadno prema naselju Magulica preko tačaka O (X=6 536 670, Y=4 900 350) i N (X=6 537 000, Y=4 900 000) do tačke M (X=6 537 430, Y=4 899 950), koja senalazi na putu iz naselja Magulice prema Sokolinskom platou. Od tačke M granica se pruža jugoistočno iznad kapele do tačke L (X=6 537 760, Y=4 899 430), povija zapadno i ide u tačku K (X=6 537 760, Y=4 899 430), a zatim skreće blago sjeveroistočno i dolazi do tačke J (X=6 538 880, Y=4 899 460), koja predstavlja zajedničku tačku za II i Ib zaštitnu zonu

Unutrašnja granica II zaštitne zone je definisana vanjskom granicom Ib zaštitne zone.

Ukupna površina II zaštitne zone iznosi **3,53 km<sup>2</sup>**, dok je obim ovoga područja **11,69 km**.

### Član 19.

Na području II zaštitne zone izvora zabranjeno je izvođenje radova, izgradnja objekata i obavljanje aktivnosti kojima se mogu zagaditi vode do izvora, a naročito:

1. izgradnja novih naselja, te izgradnja i rad kanalizacije, osim ako vodonepropusnost kanalizacionih vodova nije obezbijeđena i kontrolirana;
2. izgradnja i nekontroliran rad sportskih i rekreacionih objekata, bez vodonepropusne kanalizacije;
3. formiranje gradilišta i gradilišnih naselja bez sanitarija i vodonepropusne kanalizacije;
4. izgradnja i eksploatacija izvorišta i bunara koji se ne koriste za javno vodosnabdijevanje;
5. odlaganje svih vrsta čvrstog otpada i izgradnja deponija, uključujući sanitarne deponije;
6. izgradnja i rad industrijskih i zanatskih pogona;
7. izgradnja i rad željezničkih i ranžirnih stanica i terminala i autobuskih stanica, ukoliko nisu preduzete posebne mjere kojim se sprječava zagađivanje izvorišta;
8. izgradnja i korištenje skladišta rastvorljivih materija opasnih i štetnih za vodu;
9. izgradnja i rad stočnih i peradarskih farmi, osim uzgoja do 10 grla krupne stoke i peradi u individualnim domaćinstvima za vlastite potrebe, uz izgradnju i pravilan rad vodonepropusne kanalizacije, odnosno vodonepropusne septičke jame;
10. izgradnja i eksploatacija cjevovoda za transport hemikalija, tečnih goriva, maziva i drugih opasnih tečnosti;

11. cestovni transport hemikalija, tečnih goriva, maziva i drugih opasnih tečnosti;
12. izvođenje istražnih bušotina za naftu, zemni plin i druge opasne i štetne materije, kao i mineralnu vodu;
13. eksploatacija mineralnih sirovina;
14. eksploatacija šljunka;
15. sječa šume osim sanitarne zaštite;
16. i druge aktivnosti za koje se utvrdi da mogu imati negativne posljedice za izvor.

### III POSEBNE MJERE KONTROLE

#### Član 20.

Praćenje promjena u slivu izvora koje mogu uticati na kvalitet vode na izvoru Podsokolina sprovodi se mjerama posebne kontrole, koje naročito uključuju:

1. inspeksijske kontrole slivnog područja.

### IV NADZOR NAD PROVOĐENJEM OVE ODLUKE

#### Član 21.

Kantonalno ministarstvo poljoprivrede, vodoprivrede i šumarstva Zeničko-dobojskog kantona vrši upravni nadzor nad provođenjem ove odluke.

#### Član 22.

Inspeksijski nadzor nad provođenjem ove odluke, odnosno nad sprovođenjem režima i mjera zaštite propisanih ovom odlukom vrše nadležni inspeksijski organi u skladu sa važećim propisima.

### V KAZNENE ODREDBE

#### Član 23.

Novčanom kaznom od 1.000 do 5.000 KM kaznit će se za prekršaj pravno lice:

1. ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 15., 17., 19. i ove odluke;
2. ako ne postupi u skladu sa čl. 11. 12. i 14. ove odluke;
3. ako ne izvrši ili neblagovremeno izvrši radnje iz člana 27., 28. i 29. ove odluke.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 100 do 1.000 KM.

#### Član 24.

Pravno i odgovorno lice u pravnom licu kaznit će se za privredni prestup iz člana 217. stav 1. tačke 24 i 25. Federalnog zakona o vodama ("Službene novine FBiH", broj 18/98).

#### Član 25.

Novčanom kaznom od 100 do 500 KM kaznit će se za prekršaj fizičko lice:

ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u čl. 15., 17. i 19. ove odluke;

## VI PRELAZNE I ZAVRŠNE ODREDBE

### Član 26.

Sastavni dio ove odluke je grafički prilog na kome su prikazane granice zona sanitarne zaštite izvora.

### Član 27.

Na područjima Ia, Ib i II zaštitne zone izvršit će se uređenje prostora i provođenje zaštitnih mjera u skladu sa ovom odlukom i projektom zaštite u roku od dvije godine od dana njenog donošenja.

Nadležni organi dužni su izvršiti radnje iz člana 8. stav 2. ove odluke u roku od tri mjeseca od dana njenog donošenja.

MZ-a Kamensko Magulica dužna je izvršiti radnje iz čl. 11. i 12. ove odluke u roku od šest mjeseci od dana njenog donošenja.

### Član 28.

Donosioci planskih dokumenata (vodoprivredna osnova, šumsko-privredna osnova) dužni su iste uskladiti sa odredbama ove odluke u roku od 6 mjeseci od dana njenog donošenja.

### Član 29.

Ova odluka stupa na snagu osmog dana od dana objavljivanja u "Službenom glasniku općine Olovo".

Broj: 01-01-3-527/13  
Olovo, 28.02.2013. godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr. med. s.r.**



Na osnovu člana 35. stav 3. Zakona o principima lokalne samouprave u Federaciji BiH ( „Službene novine Federacije BiH“, broj: 49/06 ) i člana 18. stav 1. alineja 4. Statuta općine Olovo ( „Službeni glasnik općine Olovo“, broj: 2/07 i 4/08 ) Općinsko vijeće Olovo, na sjednici održanoj 28.02.2013. godine, **d o n o s i**

## **O D L U K U**

### **o prodaji službenog motornoga vozila**

#### Član 1.

Odobrava se prodaja stalnog sredstva, putničkog motornog vozila, i to:

vrsta vozila	<b>putničko</b>	vrsta motora	<b>Dizel</b>
marka vozila	<b>ssangyong</b>	snaga motora	<b>93 kw</b>
tip vozila	<b>KJ</b>	radni obujam motora (cm3)	<b>2497</b>
boja vozila	<b>crna</b>	podaci o prvoj registraciji	<b>31.05.2000.god.</b>
broj šasije	<b>KPALA4MD1YP081625</b>	ovjera važenja registracije	<b>11.09.2013.god.</b>
broj motora	<b>60296110002556</b>		
oblik vozila	<b>TERENSKO</b>		
godina proizvodnje	<b>2000</b>		
mjesta za sjedenje	<b>5</b>		

#### Član 2.

Prodaju stalnog sredstva izvršiti putem javnog nadmetanja – licitacije.

#### Član 3.

Početna cijena stalnog sredstva iz člana 1. ove Odluke je 3.500,00 KM.

#### Član 3.

Za provođenje ove Odluke zadužuje se Općinski načelnik.

#### Član 4.

Ova Odluka stupa na snagu danom donošenja, a biti će objavljivanja u „Službenom glasniku općine Olovo“.

Broj: 01-01-3- 466/13  
Datum: 28.02.2013.godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

Na osnovu člana 35. stav 3. Zakona o principima lokalne samouprave u Federaciji BiH ( „Službene novine Federacije BiH“, broj: 49/06 ) i člana 18. stav 1. alineja 4. Statuta općine Olovo ( „Službeni glasnik općine Olovo“, broj: 2/07 i 4/08 ) Općinsko vijeće Olovo, na sjednici održanoj 28.02.2013. godine,  **d o n o s i**

## **O D L U K U**

### **o prodaji službenog motornoga vozila**

#### Član 1.

Odobrava se prodaja stalnog sredstva, putničkog motornog vozila, i to:

vrsta vozila	<b>putničko</b>	vrsta motora	<b>Dizel</b>
marka vozila	<b>Škoda</b>	snaga motora	<b>77 kw</b>
tip vozila	<b>1Z</b>	radni obujam motora (cm <sup>3</sup> )	<b>1896</b>
boja vozila	<b>Siva</b>	podaci o prvoj registraciji	<b>04.02.2008.god.</b>
broj šasije	<b>TMBBS21Z78S150392</b>	ovjera važenja registracije	<b>04.02.2013.god.</b>
broj motora	<b>BJBJ212127</b>		
oblik vozila	<b>LIMUZINA</b>		
godina proizvodnje	<b>2007</b>		
mjesta za sjedenje	<b>5</b>		

#### Član 2.

Prodaju stalnog sredstva izvršiti putem javnog nadmetanja – licitacije.

#### Član 3.

Početna cijena stalnog sredstva iz člana 1. ove Odluke je 8.542,56 KM.

#### Član 3.

Za provođenje ove Odluke zadužuje se Općinski načelnik.

#### Član 4.

Ova Odluka stupa na snagu danom donošenja, a biti će objavljivanja u „Službenom glasniku općine Olovo“.

Broj: 01-01-3- 465/13

Datum: 28.02.2013.godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

Na osnovu člana 64. Stav 13. Zakona o zdravstvenoj zaštiti („Službene novine FBiH, br.46/10) i člana 18. Statuta Općine Olovo ( „Službeni glasnik Općine Olovo“, broj: 2/07 i 4/08 ), na prijedlog Općinskog načelnika, Općinsko vijeće na sjednici održanoj dana 28.02.2013. godine,  
**d o n o s i**

**O D L U K U**  
**o visini naknade predsjedniku i članovima**  
**Upravnog odbora JU „Dom zdravlja“ Olovo**

Član 1.

Ovom Odlukom utvrđuje se visina mjesečne naknade Predsjedniku i članovima upravnog odbora Javne Ustanove „Dom zdravlja“ Olovo.

Član 2.

Naknada iz člana 1. ove Odluke utvrđuje se u visini :

1. Predsjedniku Upravnog odbora iznos od **240,00 KM**
2. Članu Upravnog odbora iznos od **200,00 KM**

Član 3.

Naknada predsjedniku i članovima Upravnog odbora se isplaćuje mjesečno iz sredstava Javne ustanove .

Član 4.

O realizaciji i provođenju ove Odluke starat će se Menadžment JU.

Član 5.

Odluka stupa na snagu danom donošenja a primjenjivat će se od 01.02.2013. godine i objavit će se u „Službenom glasniku Općine Olovo“.

Broj: 01-01-3-529/13  
Datum, 28.02.2013. godine.

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

Na osnovu člana 18. Statuta Općine Olovo („Sl. glasnik Općine Olovo“, broj: 2/07 i 4/08), Općinsko vijeće Općine Olovo na sjednici održanoj dana 28.02.2013.godine, d o n o s i

## **O D L U K U**

### **o kriterijima za subvencioniranje autobuskih karata učenicima MSŠ „Musa Ćazim Ćatić“ Olovo za školsku 2012./2013. godinu**

#### **I**

Lista kandidata za dodjelu subvencije autobuske karte bit će sačinjena po slijedećim kriterijima: ostvareni uspjeh u prošloj školskoj godini i ekonomsko-socijalna situacija.

#### **II**

##### **I – OSTVARENI USPJEH**

Učenici koji su ostvarili uspjeh u prošloj školskoj godini bodovaće se na slijedeći način:

- izvrstan (prosjeak ocjena 5) .....	10 bodova,
- odličan (prosjeak ocjena od 4,5 do 5) .....	8 bodova,
- vrlodobar (prosjeak ocjena od 3,5 do 4,5) .....	6 bodova,
- dobar (prosjeak ocjena od 2,5 do 3,5) .....	4 boda,
- dovoljan (prosjeak ocjena do 2,5) .....	2 boda,
- nedovoljan .....	0 bodova.

#### **III**

##### **II – EKONOMSKO-SOCIJALNA SITUACIJA**

Bodovanje će se izvršiti po osnovu prihoda po članu domaćinstva, a prema kućnoj listi i priloženoj potvrdi o primanjima, potvrdi sa Biro-a o nezaposlenosti ili drugoj adekvatnoj potvrdi o imovnom stanju za svakog punoljetnog člana domaćinstva, kako slijedi:

a) do 60 KM .....	50 bodova,
b) 61 KM – 100 KM .....	40 bodova,
c) 101 KM – 150 KM .....	30 bodova,
d) 151 KM – 200 KM .....	20 bodova.

#### **IV**

Učenicima koji ostvare slijedeće rezultate na osnovu gore navedenih kriterija bodovanja subvencionirat će se autobuska karta u slijedećim procentima:

- od 0-20 bodova .....	0 %,
- od 21 – 30 bodova .....	20 %,
- od 31 – 40 bodova .....	30 %,
- od 41 – 50 bodova .....	40 %,
- od 51 – 60 bodova .....	50 %.

## V

Učenici koji u školu putuju iz: Careve Ćuprije, Kamenska, Jelašaka i Nevačke subvencioniranje karata će biti u 100% iznosu.

Uslov je dosljedno obezbjeđenje prevoza za učenike iz Careve Ćuprije, Kamenska, Jelašaka i Nevačke.

## VI

Ova odluka je privremenog kataka i primjenjivat će se počev od 01.02.2013. godine pa do utroška predviđenih sredstava.

## VII

Zadužuje se direktor MSŠ „Musa Ćazim Ćatić“ i Vijeće učenika da prate vjerodostojnost prijavljenih relacija koje koriste učenici.

## VIII

Ova odluka objavit će se u Službenom glasniku Općine Olovo, a stupa na snagu danom objavljivanja.

Broj: 01-01-3-526/13.

Datum, 28.02.2013. godine.

**PREDSJEDAVAJUĆI  
OPĆINSKOG VIJEĆA**

**Izudin Kućanović, dr. med. s.r.**

Na osnovu člana 18. Statuta Općine Olovo („Sl. glasnik Općine Olovo“, broj. 2/07 i 4/08), Općinsko vijeće Općine Olovo, na sjednici održanoj dana 28.02.2013. godine, d o n o s i

**O D L U K U**  
**o kriterijima za dodjelu novčane pomoći porođiljama**  
**sa područja općine Olovo u 2013. godini**

**I**

Pravo na novčanu pomoć imaju one porođilje koje imaju prebivalište na području općine Olovo, a porodile su se u 2013. godini.

**II**

Za svako rođeno dijete isplatit će se iznos od **150,00 KM**.

**III**

Novčana pomoć će se isplaćivati u jednokratnom iznosu sa budžeta Općine.

**IV**

Ova odluka stupa na snagu danom donošenja i objavit će se u „Službenom glasniku Općine Olovo“

Broj: 01-01-3-528/13

Datum, 28.02.2013. godine.

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

Na osnovu člana 17. stav (2) Zakona o komunalnim djelatnostima ( „Službene novine ZE-DO kantona“, broj: 17/08 ) i člana 13. Statuta općine Olovo ( „Službeni glasnik općine Olovo“, broj: 2/07 i 4/08 ) Općinsko vijeće općine Olovo na sjednici održanoj 28.02.2013. godine **d o n o s i,**

**P R O G R A M**  
**finansiranja komunalnih djelatnosti iz sredstava obezbijedenih u**  
**Budžetu Općine Olovo za 2013.godinu**

**I**

Donosi se Program finansiranja komunalnih djelatnosti za 2013.godinu.

Sastavni dio „Programa finansiranja komunalnih djelatnosti“ je „Program pružanja komunalnih djelatnosti zajedničke komunalne potrošnje u općini Olovo za 2013. godinu“, predložen od strane JKP-a ”Bioštica” u stečaju Olovo.

**II**

Za finansiranje ovog Programa u 2013. godini planiraju se sredstva u visini od 92.000,00 KM.

Raspored sredstava za finansiranje dat je u posebnom dijelu „Raspored finansiranja“, koji je sastavni dio Programa finansiranja.

**III**

Ovaj Program biće objavljen u „Službenom glasniku općine Olovo“.

Broj: 01-01-3- 531/13  
Datum, 28.02.2013.godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE OLOVO

## Raspored finansiranja komunalnih djelatnosti za 2013.godinu

### PRIHODI

Konto	Opis	Iznos
732114	Primljeni grantovi od kantona ( Fond za zaštitu okoline )	22.000,00
722434	Naknada za korištenje gradskog građevinskog zemljišta	26.000,00
717131	Prihodi od indirektnih poreza koji pripadaju direkciji za puteve	22.000,00
722531	Naknada za upotrebu cesta za vozila pravnih lica	
722532	Naknada za upotrebu cesta za vozila građana	
722441	Općinske komunalne naknade u skladu sa općinskim propisima	2.000,00
-	Prihodi iz redovne djelatnosti ( porezi i naknade )	20.000,00
	<b>U K U P N O</b>	<b>92.000,00</b>

### RASHODI

Konto	Opis	Iznos
613324	Izdaci za usluge održavanja čistoće	40.000,00
613329	Ostale komunalne usluge	30.000,00
613724	Usluge opravke i održavanja cesta	22.000,00
	<b>U K U P N O</b>	<b>92.000,00</b>





**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA OLOVO**  
**OPĆINSKO VIJEĆE OLOVO**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06) i člana 18. Statuta Općine Olovo ("Službeni glasnik Općine Olovo" broj: 2/07 i 4/08), Općinsko vijeće Olovo, na svojoj IV (četvrtoj) sjednici održanoj 28.02.2013. godine, **donosi**:

**ODLUKU**  
**O USPOSTAVLJANJU SARADNJE I PRIJATELJSTVA GRADA KIRŠEHIR**  
**REPUBLIKA TURSKA I OPĆINE OLOVO BOSNA I HERCEGOVINA**

**I**

Grad Kiršehir u Republici Turskoj i Općina Olovo uspostaviće i razvijati međusobnu saradnju u privredi, kulturi, sportu, i drugim područjima te razvijati posebne prijateljske odnose.

**II**

O uspostavljanju saradnje i posebnih prijateljskih odnosa između Grada Kiršehir i Općine Olovo potpisaće se Sporazum i Povelja prijateljstva.

**III**

Sporazum i povelju prijateljstva Grada Kiršehir i Općine Olovo potpisaće Gradonačelnik Grada Kiršehir i Načelnik Općine Olovo.

**IV**

Sporazum i Povelja će se potpisivati na bosanskom i na turskom jeziku. Po potrebi i dogovoru strana potpisnica Sporazuma i Povelje, sastaviti će se i potpisati službeni prijevod teksta Sporazuma i Povelje na engleskom jeziku.

**V**

Ova odluka stupa na snagu danom donošenja, a bit će objavljena u „Službenom glasniku Općine Olovo“.

Broj: 01-01-03- 469/13  
Datum: 28.02.2013. godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE OLOVO**

Na osnovu člana 1. Zakona o dopunama Zakona o koncesijama ( „Službene novine Federacije Bosne i Hercegovine“, broj: 61/06 ), te članova 8. i 56. Zakona o principima lokalne samouprave ( „Službene novine Federacije Bosne i Hercegovine“, broj 49/06 ) i člana 13. i 18. Statuta općine Olovo ( „Službeni glasnik općine Olovo“, broj: 2/07 i 4/08 ), a po zahtjevu Ministarstva za privredu/gospodarstvo ZE-DO kantona, Općinsko vijeće Olovo na sjednici održanoj 28.02.2013. godine, daje

**S A G L A S N O S T**  
**na provođenje postupka dodjele koncesije za izgradnju**  
**male hidroelektrane „Čude“,**  
**općina Olovo**

**I**

Daje se saglasnost na provođenje postupka dodjele koncesije za izgradnju male hidroelektrane „Čude“, na prostoru sela Čude, općina Olovo, na rijeci Stupčanici.

**II**

Saglasnost se daje pod sljedećim uslovom:

1. Raspodjela i korištenje finansijskih sredstava prikupljenih po osnovu jednokratne i kontinuirane naknade od koncesija vrši se u skladu sa Odlukom Vlade ZDK ( broj: 02-14-2098/13 od 24.01.2013. godine ).
2. Visina kontinuirane koncesione naknade iznosi najmanje 10% od vrijednosti proizvedene električne energije obračunate po zajamčenoj cijeni ( cijena koja se plaća proizvođaču električne energije za vrijeme trajanja ugovora o otkupu električne energije ).
3. Obavezuje se koncesionar da će redovno izvještaviti i Općinu Olovo o količinama proizvedene električne energije.
4. Obavezuje se koncesionar da će jednokratno uložiti iznos sredstava od 80.000,00 do 100.000,00 KM u naselje Čude za razvoj tog naselja.

**III**

U daljem postupku, za eventualne korekcije uslova koji je naveden u tački II Saglasnosti nadležno je Općinsko vijeće Olovo.

Broj: 01-01-3- 489/13  
Datum, 28.02.2013. godine

**PREDSJEDAVAJUĆI  
OPĆINSKOG VIJEĆA**

**Izudin Kućanović, dr.med. s.r.**



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA OLOVO**  
**OPĆINSKO VIJEĆE OLOVO**

Na osnovu člana 1. Zakona o dopunama Zakona o koncesijama ( „Službene novine Federacije Bosne i Hercegovine“, broj: 61/06 ), te članova 8. i 56. Zakona o principima lokalne samouprave ( „Službene novine Federacije Bosne i Hercegovine“, broj 49/06 ) i člana 13. i 18. Statuta općine Olovo ( „Službeni glasnik općine Olovo“, broj: 2/07 i 4/08 ), a po zahtjevu Ministarstva za privredu/gospodarstvo ZE-DO kantona, Općinsko vijeće Olovo na sjednici održanoj 28.02.2013. godine, daje

**S A G L A S N O S T**  
**na provođenje postupka dodjele koncesije za izgradnju**  
**male hidroelektrane „Petrovići”,**  
**općina Olovo**

**I**

Daje se saglasnost na provođenje postupka dodjele koncesije za izgradnju male hidroelektrane „Petrovići“, na prostoru sela Petrovići, općina Olovo, na rijeci Stupčanici.

**II**

Saglasnost se daje pod sljedećim uslovom:

1. Raspodjela i korištenje finansijskih sredstava prikupljenih po osnovu jednokratne i kontinuirane naknade od koncesija vrši se u skladu sa Odlukom Vlade ZDK ( broj: 02-14-2098/13 od 24.01.2013. godine ).
2. Visina kontinuirane koncesione naknade iznosi najmanje 10% od vrijednosti proizvedene električne energije obračunate po zajamčenoj cijeni ( cijena koja se plaća proizvođaču električne energije za vrijeme trajanja ugovora o otkupu električne energije ).
3. Obavezuje se koncesionar da će redovno izvještaviti i Općinu Olovo o količinama proizvedene električne nergije.
4. Obavezuje se koncesionar da će jednokratno uložiti iznos sredstava od 80.000,00 do 100.000,00 KM u MZ Petrovići za razvoj te Mjesne zajednice.

**III**

U daljem postupku, za eventualne korekcije uslova koji je naveden u tački II Saglasnosti nadležno je Općinsko vijeće Olovo.

Broj: 01-01-3- 490/13  
Datum, 28.02.2013. godine

**PREDSJEDAVAJUĆI**  
**OPĆINSKOG VIJEĆA**

**Izudin Kućanović, dr.med. s.r.**



**BOSNA I HERCEGOVINA**  
**FEDERACIJA BOSNE I HERCEGOVIN**  
**ZENIČKO – DOBOJSKI KANTON**  
**OPĆINA OLOVO**  
*OPĆINSKO VIJEĆE*

Na osnovu člana 115. Poslovnika o radu Općinskog vijeća ( „Službeni glasnik općine Olovo“, broj: 2/08 i 6/12 ), Općinsko vijeće općine Olovo na sjednici održanoj 28.02.2013.godine, **u s v o j i l o j e**

## ZAKLJUČAK

1. **Pokreće se** javna rasprava o Izgradnji MHE na rijeci Orlji, općina Olovo.
2. Javna rasprava traje 30 dana.
3. Javna rasprava će biti organizovana u Mjesnoj zajednici Klinčići.
4. Organ za provođenje javne rasprave je Općinski načelnik.
5. Općinski načelnik je dužan, nakon provedene javne rasprave, rezultate ( prikupljene prijedloge, mišljenja i sugestije ) analizirati i o rezultatima javne rasprave podnijeti izvještaj Općinskom vijeću.

Broj: 01-01-3-530/13

Datum, 28.02.2013. godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE**

Broj: 01-01-3- 463/13  
Datum, 28.02.2013. godine

Na osnovu člana 7. Zakona o načelima lokalne samouprave u Federaciji BiH («Službene novine F BiH», broj 49/06), Zakona o građevinskom zemljištu («Službene novine Federacija BiH», broj 25/03) i na osnovu člana 18. Statuta Općine Olovo («Službeni glasnik Općine Olovo», broj: 2/07), a na prijedlog Općinskog načelnika, Općinsko vijeće na sjednici održanoj dana 28.02.2013. godine, donijelo je

## **Z A K L J U Č A K**

### **o dozvoli raspisivanja konkursa za dodjelu neizgrađenog gradskog građevinskog zemljišta za potrebe izgradnje poslovnog prostora benzinske pumpe**

1. Dozvoljava se raspisivanje konkursa za dodjelu neizgrađenog gradskog građevinskog zemljišta za potrebe izgradnje poslovnog prostora benzinske pumpe sa pretećim sadržajima shodno Odluci o izmjeni i dopuni Regulacionog plana broj 01-01-3-203/13 od 29.01.2013. godine, na lokaciji zvana "Donji Danac" plato bivše fabrike rublja "Ola" Olovo, shodno odredbama Zakona o građevinskom zemljištu i Odluci o građevinskom zemljištu Općine Olovo
2. Konkurs za dodjelu gradskog građevinskog zemljišta raspisati za parcelu broj: 422/2 zvana Donji Danac u površini od 2400 m<sup>2</sup> K.O. Olovo upisana na Općinu Olovo
3. Početna cijena 1 m<sup>2</sup> površine gradskog građevinskog zemljišta koje je predmet prometa, a nalazi se u I zoni gradskog građevinskog zemljišta shodno Odluci o građevinskom zemljištu, utvrđena je na osnovu Odluke o određivanju visine naknade za preuzeto, ekspropisano i dodijeljeno gradsko građevinsko zemljište za 2012. godinu broj 01-01-3-1756/12 od 25.07.2012. godine i iznosi 50,00 KM/m<sup>2</sup> ili početna cijena za površinu od 2400 m<sup>2</sup> x 50 KM/m<sup>2</sup> iznos od 120.000,00 KM.
4. Konkursnu proceduru provesti po Zakonu o građevinskom zemljištu i Odluci o građevinskom zemljištu Općine Olovo.

Dostavljeno:

1. Općinski načelnik,
2. Općinsko pravobranilaštvo,
3. Služba za ekonomske poslove 2x,
4. Evidencija,
5. a/a

**PREDSJEDAVAJUĆI  
OPĆINSKOG VIJEĆA**

**Izudin Kućanović, dr. med. s.r.**

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA OLOVO**  
**OPĆINSKO VIJEĆE**

Broj: 01- 01-3- 465/13  
Datum, 28.02.2013. godine

Na osnovu člana 18. Statuta Općine Olovo («Službeni glasnik Općine Olovo», broj: 2/07), Odluke o građevinskom zemljištu Općine Olovo ( broj: 01-01-3-1971/08 od 30.04.2008. godine ) i Pravilnika o postupku javnog nadmetanja za prodaju nepokretnosti u društvenoj, sada državnoj svojini («Službeni list SR BiH», broj: 28/79) Općinsko vijeće na sjednici održanoj dana 28.02.2013. godine, donijelo je

## **R J E Š E N J E**

o imenovanju Komisije za provođenje postupaka prodaje nepokretnosti  
u vlasništvu Općine Olovo

### **I**

Imenuje se Komisija za provođenje postupaka prodaje nepokretnosti u vlasništvu Općine Olovo u sastavu:

- |                                     |                          |
|-------------------------------------|--------------------------|
| 1. Ramiz Ibrahimović - predsjednik, | Mirsad Šarić- zamjenik   |
| 2. Kasim Kljajić- član,             | Emir Muminović- zamjenik |
| 3. Esed Hadžiabdić- član,           | Sanel Sokolar - zamjenik |

### **II**

Zadatak komisije je da u skladu sa Zakonom o građevinskom zemljištu, Odlukom o građevinskom zemljištu Općine Olovo, Zakonom o prometu nepokretnosti, Pravilnikom o postupku javnog nadmetanja za prodaju nepokretnosti u društvenoj, sada državnoj svojini i ostalim važećim propisima za ovu oblast raspiše, objavi, provede propisani postupak prodaje, dodjele ili ustupanja, te utvrdi red prvenstva.

Komisija vodi zapisnik o svom radu.

### **III**

Komisija se imenuje na period od 2 (dvije) godine.

### **IV**

Administrativno-tehničku i stručnu pomoć Komisiji u toku rada pružat će Općinski organ uprave – Služba za ekonomske poslove ( poslovi urbanizma i imovinsko-pravi poslovi ).

### **V**

Ovo rješenje stupa na snagu danom objave u Službenom glasniku Općine Olovo.

Dostavljeno:

1. Komisiji 1-3,
2. Službi za ekonomske poslove,
3. Evidencija,
4. a/a

**PREDSJEDAVAJUĆI**  
**OPĆINSKOG VIJEĆA**

**Izudin Kućanović, dr.med. s.r.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE

Na osnovu člana 18. Statuta Općine Olovo («Službeni glasnik Općine Olovo», broj: 2/07 i 4/08), u vezi sa članom 6. Pravilnika o bližim uslovima i postupku davanja u zakup kapaciteta zdravstvenih ustanova, kao i vrsti kapaciteta zdravstvenih ustanova koje se mogu dati u zakup („Službene novine FBiH“ broj: 28/12) , Općinsko vijeće na sjednici održanoj dana 28.02.2013. godine d o n i j e l o j e

**R J E Š E N J E**  
**o imenovanju članova komisije za provođenju postupka**  
**odjele u zakup viška prostora Doma zdravlja Olovo**

I

Ispred Općine Olovo kao osnivača Javne zdravstvene ustanove „Dom zdravlja“ Olovo u komisiju za provođenje postupka odjele viška zdravstvenih kapaciteta u zakup i izbora najpovoljnijeg ponudžača shodno Zakonu o javnim nabavkama, imeniju se:

1. Namer Sirčo,
2. Ešef Jusubašić,
3. Senada Džakmić

II

Rješenje stupa na snagu danom donošenja, a objavit će se u «Službenom glasniku Općine Olovo».

Broj: 01-01- 3- 31-2/ 13  
Datum: 28.02.2013. godine

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r**



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE**

Broj: 01-01-3- 468/13

Datum: 28.02.2013. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), člana 18. Statuta općine Olovo („Službeni glasnik općine Olovo“, broj: 2/07 i 4/08), i člana 99 Poslovnika o radu Općinskog vijeća Olovo („Službeni glasnik Općine Olovo“ broj: 2/08), Općinsko vijeće Olovo na sjednici održanoj dana 28.02.2013. godine, razmatrajući status i položaj Općine Olovo u sadašnjem i eventualno novom preustroju FBiH, imajući u vidu već duže vremena izraženu volju građana općine Olovo, a zbog neprirodne pripadnosti općine Zeničko-dobojskog kantonu čime su narušeni osnovni principi, etničkog, ekonomsko-funkcionalnog, prirodno-geografskog, komunikacijskog, i svi drugi principi teritorijalno-političkog povezivanja, Općinsko vijeće kao najviši organ lokalne zajednice, izražavajući volju svojih građana i izraženog dugogogodišnjeg (17 godina) nezadovoljstva položajem i statusom Općine Olovo, d o n o s i

### **REZOLUCIJU**

1. Općina Olovo od nastanka u novijoj istoriji poslije 1945. godine pa do danas samo je jedan kraći period bila u sastavu Kladanjskog sreza i pripadala Tuzlanskoj regiji, dok u svojoj dugoj istoriji razvoja Olovo nikada u teritorijalnoj organizaciji nije pripadalo niti se ekonomski ili administrativno naslanjala na region Zenice i Doboja. Kroz cijeli svoj razvoj Olovo je svim nitima društvenog života bilo povezano sa Sarajevom udaljenim 56 kilometara. Olovo je udaljeno od Tuzle 73 kilometra a od Zenice 120 kilometara što samo za sebe govori gdje u budućem preustroju FBiH treba da se nalazi.
2. Imajući u vidu etnički princip koji je primjenjen u Bečkim načelima konstituisanja kantona 1994. godine prilikom određivanja pripadnosti općine Olovo Zeničko-dobojskom kantonu, činjenica da je broj stanovnika općine mali (cca 10.000), znači da u budućem ustrojstvu i određivanju pripadnosti nekoj teritorijalnoj cjelini općina Olovo nemože i neće moći bitno uticati na etničku sliku odnosno i ne može poremetiti etnički balans te buduće teritorijalne cjeline.
3. Teritorijalno-politička pripadnost općine Olovo u Zeničko-dobojskom kantonu kontinuirano ima za posljedicu pored ostalog stalan proces odliva stanovništva i opadanja njegovog prirodnog priraštaja. Pripadnošću općine Olovo Zeničko-dobojskom kantonu njeni građani 17 godina ne mogu da ostvaruju svoja osnovna ljudska prava (zdravstvo, školstvo, zapošljavanje, itd.) zbog čega je stalno prisutno odseljavanje, tako da je općina ostala bez 1/3 stanovništva (cca 5000) koje se uglavnom iselilo u Sarajevski kanton, a nisu zabilježena iseljavanja stanovništva u druge gradske centre (kantone).



4. Geografski, saobraćajno, ekonomski i po nizu drugih kriterija historijski općina Olovo je najbliža Sarajevu. U ovako nepovoljnim okolnostima jedinu šansu Općina vidi da u budućoj teritorijalnoj organizaciji FBiH ili BiH pripadne kantonu Sarajevo ili distriktu, odnosno regiji Sarajevo.
5. Smatramo da ovakvim sadašnjim statusom općine Olovo i njenom položaju u Zeničko-dobojskom kantonu njeni građani godinama trpe nepravdu koja im je nanešena u društvenom, ekonomskom, političkom i svakom drugom pogledu, što znači da postoje sve argumentovane formalne i materijalne pretpostavke da ukoliko dođe do ustavnog preustroja FBiH općina Olovo teritorijalno treba da se nalazi u Sarajevskom kantonu, regiji ili distriktu.
6. Nadamo se da će se u procesu preustroja FBiH imati u vidu i ispoštovati odredbe Evropske povelje o lokalnoj samoupravi a naročito član 4. stav 6. Povelje gdje je propisano: „6. Lokalne vlasti će biti konsultovane, u najvećoj mogućoj mjeri, pravovremeno i na odgovarajući način, u procesu planiranja i donošenja odluka o svim stvarima koje ih se direktno tiču“.
7. Općinsko vijeće naglašava da je od izuzetne važnosti preustroj FBiH za Općinu Olovo i poziva sve relevantne faktore i institucije koje budu odlučivale o novom preustroju Federacije treba da imaju u vidu naprijed navedene činjenice u ovoj rezoluciji.

PREDSJEDAVAJUĆI  
OPĆINSKOG VIJEĆA

**Izudin Kućanović, dr.med. s.r.**

Dostaviti:

1. Radna grupa za preustroj FBiH- Sarajevo
2. Ambasada SAD- Sarajevo
3. OHR- Sarajevo
4. Pravni Institut- Sarajevo
5. Politički subjekti u Parlamentu FBiH- svima
6. Radna grupa Općinskog vijeća
7. Općinsko vijeće
8. Općinski načelnik
9. a/a

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA OLOVO**  
**OPĆINSKO VIJEĆE**

Broj: 01-01-3- 397/13

Datum, 28.02.2013. godine

Općinsko vijeće Općine Olovo rješavajući po ponudi Dalagija (Rešida) Aiše iz Sarajeva za preuzimanje iz posjeda neizgrađenog gradskog građevinskog zemljišta, na osnovu člana 25. stav 3. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo», 2/07) na sjednici održanoj dana 28.02.2013. godine, d o n o s i

## **ZAKLJUČAK**

NE PRIHVATA SE PONUDA ZA PREUZIMANJE neizgrađenog gradskog građevinskog zemljišta označenog kao **parcela broj 440/4** zvana Alinuša njiva 2 klase u površini od 30 m<sup>2</sup> K.O. Olovo, podnešena od strane nosioca korištenja gradskog građevinskog zemljišta Dalagija (Rešida) Aiše iz Sarajeva, te ista može prenijeti pravo korištenja navedenog zemljišta na treće lice, ali ne po nižoj cijeni od 110,00 KM/m<sup>2</sup>, koju je ponudila Općini Olovo za otkup.

## **O b r a z l o ž e n j e**

Dalagija (Rešida) Aiša iz Sarajeva je dana 18.02.2013. godine Općinskom vijeću Općine Olovo dostavila pismenu ponudu za otkup neizgrađenog gradskog građevinskog zemljišta sa utvrđenim pravom korištenja zemljišta označenog kao parcela broj 440/4 u površini od 30 m<sup>2</sup> K.O. Olovou KKU broj 119.

Shodno pribavljenom Izvodu iz regulacionog plana Olovo – centar na lokaciji Dalagija Aiše koja je predmet prometa nije predviđena izgradnja.

Otkup predmetne parcele Općini Olovo Dalagija Aiša ponudila je po cijeni od 110,00 KM za parcelu koja je predmet ponude.

Kako Općina Olovo nije zainteresovana za otkup predmetne parcele odlučeno je kao u dispozitivu ovog zaključka.

Dostavljeno:

1. Dalagija Aiša Sarajevo,
2. Službi za ekon. poslove 2x,
3. Katastru,
4. Evidencija,
5. a/a

**PREDSJEDAVAJUĆI**  
**OPĆINSKOG VIJEĆA**

**Izudin Kućanović, dr. med. s.r.**

## S A D R Ź A J

1. Odluka o načinu i uslovima prodaje nepokretnosti .....	1
2. Odluka o zaštiti izvora vode za piće Podsokolina općina Olovo .....	2
3. Odluka o prodaji službenog motornoga vozila "SSaonyong" .....	9
4. Odluka o prodaji službenog motornoga vozila Škoda "Oktavija" .....	10
5. Odluka o visini naknade predsjedniku i članovima OU Dom zdravlja .....	11
6. Odluka o o kriterijima za subvencioniranje autobuskih karata učenicima MSS „Musa Ćazim Ćatić“ Olovo za školsku 2012./2013. godinu .....	12
7. Odluka o o kriterijima za dodjelu novčane pomoći porodiljama sa područja općine Olovo u 2013. godini .....	14
8. Program finansiranja komunalnih djelatnosti iz sredstava obezbijedenih u Budžetu Općine Olovo za 2013.godinu .....	15
9. Odluku o uspostavljanju saradnje i prijateljstva grada Kiršehir republika Turska i Općine Olovo Bosna i Hercegovina .....	17
10. . Saglasnost na provođenje postupka dodjele koncesije za izgradnju male hidroelektrane „Čude“, općina Olovo .....	18
11. Saglasnost na provođenje postupka dodjele koncesije za izgradnju male hidroelektrane „Petrovići“, općina Olovo .....	19
12. Zaključak o javnoj raspravi za izgradnju MHE na rijeci Orlji .....	20
13. Zaključak o dozvoli raspisivanja konkursa za dodjelu neizgrađenog gradskog građevinskog zemljišta za potrebe izgradnje poslovnog prostora benzinske pumpe .....	21
14. Rješenje o imenovanju Komisije za provođenje postupaka prodaje nepokretnosti u vlasništvu Općine Olovo .....	22
15. Rješenje o imenovanju članova komisije za provođenju postupka dodjele u zakup viška prostora Doma zdravlja Olovo .....	23
16. Rezolucija o status općine Olovo u budućem preostroju FBiH .....	24
17. Zaključak o ne prihvatanju ponude kupnje neizgrađenog gradskog građevinskog zemljišta ponudžač- Dalagija Aiša. ....	26

Ovaj Službeni glasnik istaknut je na Oglasnoj tabli  
Općine Olovo dana **11.03.2013.godine.**

**Ovjerava:**  
**SEKRETAR**  
**OPĆINSKOG VIJEĆA**

**Zijad Karić, dipl. pravnik, s.r.**